

1A SESSIONE STRAORDINARIA PER U 2017

26 È 27 DI GHJENNAGHJU

N° 2017/E1/004

**DUMANDA ORALE POSTA DA Mma Maria-Elena
CASANOVA-SERVAS
À NOME DI U GRUPPU « FEMU A CORSICA »**

OGETTU: Strada Territoriale 20 Aiacciu/Bastia.

O Sgiò Cunsigliere incaricatu di l'infrastrutture stradale,

Cun sta dumanda orale, vuleria tirà a vostra attenzione nantu à i prublemi stradali scontri in a valle bassa è mezana di A Gravona.

Cusì, pigliu u sequitu di una dumanda orale posta da u nostru collega Ghjuvanni Biancucci in a mandatura di nanzu.

Ellu, di fatti, di lugliu 2013, accertava quant'ellu hè urgente di accuncià a RT 20 chì franca a valle. Insignava:

- a crescita è a cumplessità di u trafficu di camioni tamanti,
- u caratteru accidentogenu d'issu settore,
- a necessità di trattà a crescita di u trafficu stradale per via di a custruzione d'alloghji novi,
- a mancanza di suluzione rente à u crugia di Baleone da pudè fà più sciolta a circolazione di i veiculi à l'ore di l'affluenza è cusì di risolve l'ingorghi.

Da risponde à isse rimarche, u Cunsigliere Esecutivu incaricatu tandu di l'infrastrutture stradale insignava chì u Schema Direttore di e Strade Territoriale di ghjugu 2011 avia chjappu in contu a problematica sana.

Tandu dicia chì « *l'acconci strutturanti programati nantu à a sezione di strada territoriale... deverianu esse di modu à pudè risponde à l'impegni di fluidità è di securità* ».

Ma a sapete per disgrazia quant'ellu ci hè da purtà penseru pè issa zona firmata oghje sempre listessa..

L'acconci programati si infatta per sfurtuna ch'elli ùn anu pussutu puertà risposta chè in parte à a problematica

U custattu hè d'obligu : oghje nantu à issu stradone a circolazione hè di più in più zeppa. A pupulazione (bluccata ind'è l'ingorghi chì si ripetenu) tutti i ghjorni ne pate è u sviluppu esponenziale d a zona commerciale di Baleone cuntribuisce in modu tremendu à impeghjurisce a situazione.

I prublemi ch'omu scontra oghje, di sicuru bench'è vo ùn ne siate micca voi i rispunsevuli, a vi cuncessu, tocca à voi quantunque à risponde ci à u megliu ch'è vo puderete.

Mi ci vulerà à precisà chì sta dumanda a vi facciu à un titulu doppiu di cunsigliera à l'Assemblea di Corsica ma puru d'eletta lucale di a cumuna di Sarrula Carcupinu.

O Sgiò Cunsigliere, vuleria da una banda cunnosce a vostra pusizione in quantu à issu prublema è, da un'altra banda, e suluzione tecniche ch'è vo pensate di pudè ci purtà à cortu o mezu andà, in modu à pudè risponde à a primura forte di e persone cuncernate.

À ringrazià vi.